

- Informacija za medije – za objavu

Besplatno podizanje gotovine karticama Sparkasse Bank na bankomatima Erste i Sparkasse grupacije u inostranstvu

Sarajevo, 23.08.2016./Sparkasse Bank, kao članica austrijske grupacije Erste i Sparkasse, svojim korisnicima debitnih kartica može ponuditi posebnu pogodnost – besplatno podizanje gotovine na gotovo 7000 bankomata ove grupacije u inostranstvu.

Pogodnost mogu koristiti svi imaoči kartica MasterCard Debit, MasterCard Gold Debit, Maestro i Visa Electron izdatih od strane Sparkasse Bank, te **podizati novac bez naknade na bankomatima svih Erste i Sparkasse banaka u sljedećim zemljama: Austrija, Češka, Slovačka, Rumunija, Mađarska, Hrvatska, Srbija, Ukrajina, Crna Gora i Makedonija.** Podizanje gotovine je također besplatno na 90 bankomata Sparkasse Bank u Bosni i Hercegovini, kao što je to slučaj i sa plaćanjima roba i usluga u trgovinama i putem interneta.

Naknade za podizanje gotovine na bankomatima u inostranstvu se na našem tržištu kreću od 1,5% do 3% ili minimalno 10KM, tako da debitne kartice Sparkasse Bank mogu donijeti značajne uštede onima koji često putuju u inostranstvo. Također, ovakvu karticu je svakako korisno imati i tokom ljetovanja na hrvatskoj rivijeri, gdje su široko rasprostranjeni bankomati Erste Bank Hrvatska, te godišnji odmor može biti sigurniji i opušteniji.

Ne treba zaboraviti da je na putovanjima svakako sigurnije koristiti kartice, nego nositi sa sobom veće iznose gotovine. Posebno je razumno češće podizati manje iznose, međutim to u inostranstvu može biti prilično skupo. Sparkasse debitne kartice i mreža bankomata Erste i Sparkasse grupacije nude ovaj servis potpuno besplatno, što imaočima kartica ne donosi samo uštedu, nego i poseban vid finansijske sigurnosti.

Kartice Sparkasse Bank generalno pružaju najviši nivo sigurnosti – zaštićene su 3D Secure standardom, koji čini online kupovine maksimalno sigurnim, a SMS usluga klijenta izvještava o obavljenoj transakciji u roku nekoliko sekundi i omogućava mu da odmah reaguje u slučaju krađe ili zloupotrebe kartice.